

INFO BUSINESS NEWSLETTER

Udruženje poslodavaca FBiH

Broj 10



SJEDNICA U.O. UPFBiH

Održana VIII proširena sjednica Upravnog odbora Udruženja poslodavaca FBiH.



SASTANAK ŠPEDITERA/LOGISTIČARA

Održan sastanak špeditera/logističara sa direktorom Uprave za indirektno oporezivanje



OMASOVLJAVANJE ČLANSTVA

Direktor Udruženja poslodavaca održao sastanak sa predstavnicima Grupacije špeditera.



JP "SKENDERIJA"

Aktuelna problematika u poslovanju Javnog preduzeća "Skenderija".



SOCIJALNI PARTNERI

Sindikat pokušava blokirati donošenje novog Zakona o radu.



JAVNI POZIV

Kompanije pozvane da apliciraju za sredstva (garancije) kod IGA-e.

ODRŽAN SASTANAK DELEGACIJA UP FBiH I SSS BiH SA MINISTROM RADA, ZAPOŠLJAVANJA I SOCIJALNE POLITIKE FBiH

Sindikat pokušava blokirati donošenje novog Zakona o radu jer im je važnije neprincipijelno zadržavanje određenih privilegija od prihvatanja rješenja koja omogućavaju ekonomski razvoj i otvaranje novih radnih mjesta.



U skladu sa zaključkom ESV- za područje FBiH, Ministar rada, zapošljavanja i socijalne politike FBiH, gospodin Vjekoslav Čamber sazvaio je sastanak delegacija UP FBiH i SSS BiH, u cilju usaglašavanja stavova o usvojenom Prijedlogu Zakona o radu. Delegaciju UP FBiH sačinjavali su Predsjednik UO Safudin Čengić, Direktor Mladen Pandurević, Potpredsjednik UO Midhat Terzić i Željko Marjanović Izvršni direktor HT Eronet.

Mada je na sjednici ESV-a dogovoreno da socijalni partneri mogu dostaviti, najviše po tri primjedbe, na usvojeni prijedlog zakona, SSS BiH je to zloupotrijebio i dostavio ukupno 36 amandmana. Usprkos tome, naša delegacija je djelovala konstruktivnu i u dobroj vjeri je pristupila pregovorima.

Nažalost, pregovori faktički nisu ni počeli zbog uslovljavanja i nekooperativnosti delegacije SSS BiH. Njihovo ponovljeno isticanje amandmana koji su ranije dogovoreni i usaglašeni sa našom delegacijom pokazuje želju da ne dozvole nikakvu izmjenu radnog zakonodavstva.

Kako drugačije tumačiti činjenicu da sindikat traži plaćanje pauze za topli obrok, utvrđivanje minimalne plate u Zakonu o radu, neograničenom važenju kolektivnih ugovora, produženom porodijskom odsustvu na teret poslodavaca, uvođenju novih socijalnih naknada ili povećanju postojećih, povećanju iznosa otpremnine, dužem godišnjem odmoru i slično?!

Naša delegacija u cijelosti je ostala kod ranije usvojenih stavova te pokušala argumentovano osporiti prijedloge sindikata. Međutim naše predočavanje ranije potpisanih sporazuma sa sindikatom, citiranje odredbi međunarodnih konvencija i pregled zakonodavstva iz zemalja EU i zemalja okruženja, nije bio dovoljan argument da bi sindikat, odstupio od svojih neargumentovanih zahtjeva.

Mi jednostavno ne možemo pristati na rješenja koja će dovesti do zatvaranja privrednih subjekata i smanjivanja zaposlenosti i time sniziti standard života i zemlju trajno zadržati u recesiji. Od izvršne i zakonodavne vlasti očekujemo da usvoje i odbrane rješenja koja će stimulisati društveni i privredni rast, privući strane investicije i stvoriti adekvatan poslovni ambijent, te omogućiti zadržavanje postojećih i otvaranje novih radnih mjesta.

Udruženje poslodavaca će se i ubuduće ponašati kao društveno odgovoran i socijalno osjetljiv partner. Nećemo izbjegavati razgovore i spremni smo na kompromise, ali nećemo pristajati na ucjene i nametanje rješenja. Kao i do sada, spremni smo da prihvatimo svoj dio tereta, za izlazak iz krize. Sa zadovoljstvom možemo konstatovati da su poslodavci koji su udruženi u UP FBiH, po ko zna koji put, pokazali da su najzdraviji i najodgovorniji dio društva.



Na web stranici Udruženja; www.upfbih.ba možete preuzeti slijedeće dokumente ili putem linka ;<http://www.upfbih.ba/index.php/novosti-2/117-sastanak>

1. Amandmani na Nacrt Zakona o radu (Udruženje poslodavaca FBiH)
2. Sugestije na Nacrt Zakona o radu (Savez samostalnih sindikata BiH)
3. Zapisnik sa sastanka socijalnih partnera održanog 17.12.2012.godine.

Održana VIII proširena sjednica Upravnog odbora Udruženja poslodavaca FBiH



Krajem decembra 2012. godine u prostorijama Coca-Cola HBC B-H d.o.o. Sarajevo u Hadžićima održana VIII proširena sjednica Upravnog odbora Udruženja poslodavaca FBiH.

Sjednici su pored članova UO prisustvovali članovi delegacije ESV-a, članovi UO UPKS, te članice UPFBiH sa područja Sarajevskog Kantona.

Uvodnu riječ dobrodošlice prisutnim uputio je domaćin sjednice Marcea Draja, direktor Coca Cola kompanije i istakao da je Udruženje poslodavaca za njega veoma značajno tijelo

Sjednica U.O. UPFBiH

koje omogućava konekciju između predstavnika privrednika i predstavnika Vlasti. Gdin. Draja je istakao da je jako važno da se i dalje nastavi postojeći dijalog te da se aktivno radi na njegovom unaprjeđenju. Također je istakao da će UPFBiH i dalje imati podršku Coca-Cole te da će i dalje biti aktivno uključeni u rad UPFBiH a sve u cilju jačanja socijalnog dijaloga.

UO je pored zapisnika sa prethodne sjednice raspravljao o Zakonu o radu, Nacrtu zakona o izmjenama i dopunama Zakona o stečajnom postupku, Prijedlog zakona o izmjenama i dopunama Zakona o izvršnom postupku, Prijedlog zakona o autocesti na Koridoru Vc i amandmane Vlade Federacije BiH na Prijedlog zakona o autocesti na Koridoru Vc.

Vežano za Zakon o radu UO je raspravljalo o novim amandmanima koje je Ministarstvu za rad i socijalnu politiku FBiH na osnovu zaključaka sa posljednje sjednice ESV-a uputio Savez samostalnih sindikata BiH te UPFBiH. Udruženje poslodavaca FBiH je na osnovu pristiglih komentara i mišljenja uputilo 4. ključne primjedbe odnosno amandmane vezano za članove 49., 71., 72. i 182. Nacrta Zakona o radu.

Sindikatom je bez obzira na zaključke sa posljednje sjednice ESV-a da se dostave tri ključne primjedbe ponovno otvorio pitanja o kojima se već postigla

saglasnost. UO je konstatovao da ukoliko Sindikat ne odustane od svojih amandmana da će Udruženje izaći sa novih 70 amandmana. Na kraju je zaključeno da Udruženje poslodavaca treba da nastavi dalje lobiranje u parlamentu vezano za usvajanje Zakona u sadašnjem tekstu. Dalje delegacija UPFBiH u sastavu Safudin Čengić, Midhat Terzić i Mladen Pandurević, uvažavajući interese Saveza samostalnih sindikata BiH će ipak nastaviti pregovore sa Sindikatom sa 4. Amandmana koji se odnose na član 49., 71., 72. i 182. Prijedloga Zakona o radu.



Sjednica je održana u prostorijama Coca-cola HBC BH

UO je također usvojio Izvještaj o održanoj Svečanosti povodom obilježavanja 10 godina rada UPFBiH. Udruga poslodavaca je definitivno pokazalo snagu i organizovanost te sposobnost da adekvatno zastupa interese poslodavaca. Ako je i bilo sumnje u reprezentativnost UPFBiH i njegov društveni status, ona je otklonjena. U izvještaju je istaknuto, da je od strane učesnika i gostiju sama svečanost ocjenjena najvišom ocjenom i da je UPFBiH u cijelosti ispunilo ciljeve koje je imalo kada je donosilo odluku o organizaciji ovog događaja, a to su u prvom redu: promocija poslodavaca, promocija društveno odgovornog rada i filantropije, zahvalnost zaslužnim za osnivanje i razvoj udruženja i stvaranje adekvatne slike o poslodavcima u najširoj javnosti.

UO je pored navedenih tačaka dnevnog reda imenovao člana Nadzornog tijela za praćenje implementacije Pravilnika o upravljanju ambalažom i ambalažnim otpadom te predstavnika UPFBiH za člana radne Grupe u Projektu "Reforma finansiranja visokog obrazovanja".

Na osnovu zahtjeva predstavnika Projekta za člana radne Grupe u Projektu "Reforma finansiranja visokog obrazovanja" UO je imenovao Hazima Zečevića.

UO je također, na osnovu zahtjeva Federalnog Ministarstva okoliša i turizma za člana Nadzornog tijela za praćenje implementacije Pravilnika o upravljanju ambalažom i ambalažnim otpadom imenovao Edina Ibrahimpašića.



Obraćanje direktora Coca cola HBC BH



Članovi Upravnog odbora



VIII proširena sjednica U.O. UPFBiH

Održan sastanak delegacije špeditera-logističara pri Udruženju poslodavaca FBiH sa direktorom Uprave za indirektno/neizravno

Dana 28.12.2012 godine u kabinetu Premijera Federacije BiH Nermina Nikšića održan je sastanak delegacije špeditera-logističara pri Udruženju poslodavaca FBiH sa direktorom Uprave za indirektno/neizravno oporezivanje Mirom Džakulom.

Sastanku je pored Premijera Nermina Nikšića prisustvovala delegacija špeditera-logističara u sastavu: Fadila Poplata, Salko Kruho, Branko Vujatović, Saša Rotim, Hamed Šivšić i Zdenko Pehar.

Delegacija špeditera-logističara je bila predvođena direktorom Udruženja poslodavaca FBiH gospodinom Mladenom Pandurevićem, koji je i upriličio ovaj veoma važan sastanak. Sastanak je protekao u jako konstruktivnoj atmosferi, a razgovaralo se o problematici koja tišti špeditere logističare i uvoznike, odnosno privrednike u BiH kao što su:

- Ostvarivanje jače međusobne saradnje;
- Naredbe UINO vezano za mjesnu nadležnosti carinjenja roba afroazijskog porijekla;
- Naredba o radnom vremenu na carinskim terminalima;
- Garancije;

Tekuća pitanja.

Nakon dugotrajne diskusije usaglašena su i dobijena obrazloženja za slijedeća pitanja:

1. Delegacija špeditera-logističara i direktor UINO Miro Džakula su se složili da trebaju biti partneri. Kroz dijalog mogu postići vrlo dobra rješenja za funkcioniranje carinskog procesa u BiH.

Dogovoreno je da se delegacija špeditera-logističara sastaje dva puta godišnje sa direktorom UINO Mirom Džakulom kako bi se diskutirala i raspravila sva eventualna otvorena pitanja i zajednički iznalazila rješenja za efikasnije odvijanje carinskog postupka i otklanjala uska grla.



Miro Džakula, Direktor Uprave za indirektno oporezivanje

Dosadašnji način korištenja carinskih garancija neprihvatljiv jer je njihova iskorištenost svega 30% što stvara velike troškove i špediterima i privrednim subjektima (uvoznicima). Direktor UINO gospodin Džakula Miro izvještava da će taj problem u 2013.godini biti riješen. Trenutno se u UINO radi novi software ASYCUDA WORLD koji će omogućiti upotrebu jedne garancije od strane špeditera. Time će se zvanično smanjiti troškovi za nabavku carinskih garancija.



Fadila Poplata, predsjednik Grupacije špeditera

2. Direktor Džakula je izvjestio da je UINO uočila probleme u sprovođenju odluke o mjesnoj nadležnosti carinjenja roba afroazijskog porijekla. Trenutno se razmatraju mjere za ublažavanje ili otklanjanje negativnih posljedica za pojedine privredne subjekte.

3. Direktor gospodin Džakula pojašnjava da je bilo neophodno uvesti radno vrijeme na carinskim ispostavama od 08-20 sati iz niza razloga. Jedan od razloga je da se omogući privrednim subjektima cijelodnevno carinjenje roba. Delegacija špeditera-logističara je ukazala na niz nepravilnosti kod sprovođenja ove naredbe, kao što je predugo zadržavanje vozila na terminalima i svjesno otezanje postupaka od strane pojedinih carinika. Gospodin Džakula podržava u potpunosti primjedbe špeditera i predlaže da izradimo obrasce ulaska i izlaska kamiona na terminale. .

Predlaže da špediteri osmisle i druge mjere i da mu predlože kako bi se maksimalno ubrzao proces carinjenja i otklonilo bilo kakvo otezanje. Jedna

od mjera bi mogla biti da se ustanovi vrijeme od predaje dokumenata kada proces automatski ide na zeleno.

4. Pitanje korištenja carinskih garancija je vrlo temeljito i da se pojedinačne inicijative sveodbuhatno diskutirano. Delegacija špeditera-logističara je tražila da carinske garancije važe za sve carinske procedure i za sve granične prelaze i za sve carinske ispostave. U praksi to bi značilo da špediter sa jednom carinskom garancijom obavlja sve poslove. Također, ukazano je na

problem blokade cijele garancije za jedan manji iznos koji nije uplaćen. Složili smo se da je dosadašnji način korištenja carinskih garancija neprihvatljiv jer je njihova iskorištenost svega 30% što stvara velike troškove i špediterima i privrednim subjektima (uvoznicima). Direktor UINO gospodin Džakula Miro izvještava da će taj problem u 2013.godini biti riješen. Trenutno se u UINO radi novi software ASYCUDA WORLD koji će omogućiti upotrebu jedne

garancije od strane špeditera. Time će se zvanično smanjiti troškovi za nabavku carinskih garancija.

5. Direktor UINO gosp. Džakula istakao je da će prihvatati inicijative špeditera pristigle putem Grupacije špeditera-logističara pri UPFBiH, tako i da se pojedinačne inicijative špeditera neće razmatrati.

6. Učesnici su diskutirali o nizu pitanja u nastavku sastanka. Između ostalog, direktor gospodin Džakula je predložio da špediteri-logističari osmisle način i kriterije certifikacije špeditera kako bi se dobio kvalitet na račun kvantiteta.

7. Učesnici sastanka konstatiraju da je veoma važno što je otvoren dijalog i što se krenulo prema učvršćivanja zajedničkog povjerenja.

U narednom periodu će špediteri artikulirati i delegirati otvorena pitanja koja će se raspraviti na narednim zajedničkim sastancima.

Delegacija špeditera-logističara se zahvaljuje Premijeru Federacije BiH, gospodinu Nerminu Nikšiću i rukovodstvu Udruženja poslodavaca FBiH gospodinu Mladenu Pandureviću i gospodinu Safudinu Čengiću na organizaciji ovog veoma uspješnog sastanka.



Nermin Nikšić, premijer Vlade FBiH

Udruženje uspjelo u naporima eliminisati negativne posljedice Naredbe o nadležnosti carinskih ispostava o carinjenju robe afro-azijskog porijekla



“Zahvaljujući izuzetnom zalaganju Udruženja poslodavaca FBiH, na čelu sa direktorom gospodinom Mladenom Pandurevićem i izuzetnom zalaganju Upravnog odbora grupacije špeditera i logističara pri UPFBiH na čelu sa gospođom Fadilom Poplatom, naše udruženje je istrajalo u naporima da se eliminišu negativne posljedice Naredbi o nadležnosti carinskih ispostava o carinjenju roba afro-azijskog porijekla.

Svojim Aktom br. 02-2-114-12/13 od 16.01.2013. godine, direktor UIO gospodin Miro Džakula je ukinuo sve predhodne naredbe i omogućio nesmetan rad uvoznicima i špediterima kako je to i prije bilo. Naravno da će najviše koristi imati privredni subjekti koji posluju na transparentan i zakonit način.

Ovo je dokaz da zajedništvom i uz pomoć naše krovne organizacije UPFBiH možemo prevazići sve probleme. S toga pozivam sve špeditere - logističare da masovno pristupe Udruženju poslodavaca FBiH kako bi bili još snažniji i kompetentniji u ostvarivanju svojih ciljeva.”

Ovim riječima član U.O. Grupacije špeditera i predsjednica U.O. Fadila Poplata su se zahvalili Udruženju poslodavaca FBiH na brzom i efikasnom reagovanju u vezi ukidanja Naredbe o nadležnosti carinskih ispostava o carinjenju roba afro-azijskog porijekla.

Kompletnu korespondenciju i pismene reakcije možete pronaći na našoj web stranici www.upfbih.ba ili direktno putem linka; <http://www.upfbih.ba/index.php/novosti-2/123-naredba>

Održan sastanak u vezi nastavka pregovora o zaključivanju Kolektivnog ugovora za granu finansija

Pregovarački tim za zaključivanje novog kolektivnog ugovora za granu finansija i UO Grupacije poslodavaca iz oblasti finansijskog poslovanja pri UPFBiH sastali su se u srijedu 16.01.2013.godine u prostorijama Udruženje poslodavaca u FBiH u Sarajevu.

Tema sastanka je bila nastavak pregovora za zaključivanje novog Kolektivnog Ugovora za granu finansija kao i Prijedlog Udruženja banaka BiH da se prolongira rok za zaključivanje istog.

Nakon veoma otvorene i konstruktivne diskusije učesnici sastanka su zaključili da se rok za zaključivanje novog Kolektivnog ugovora za granu finansija prolongira do 01.marta 2013.godine.



Predstavnici pregovaračkog tima

Također je zaključeno da će se unutar članstva Grupacije poslodavca iz oblasti finansijskog poslovanja pri Udruženju poslodavaca u FBiH, sprovesti šire konsultacije vezano za novi Prijedlog Kolektivnog Ugovora za granu finansija.

Šira rasprava i konsultacije imaju za cilj da se svi članovi i predstavnici finansijskih organizacija upoznaju sa Novim prijedlogom Kolektivnog ugovora, te da se prikupe kvalitetne primjedbe i komentari koji će se objediniti i koji će biti osnov za nastavak pregovora sa Samostalnim sindikatom radnika finansijskih organizacijam koji je planiran za februar 2013. godine.



Sastanak je održan u prostorijama Udruženja poslodavaca

GRUPACIJA ŠPEDITERA LOGISTIČARA PLANIRA INTENZIVIRANJE AKTIVNOSTI I OMASOVLJAVANJE ČLANSTVA



Sastanak sa predstavnicima Grupacije špeditera/logističara

Direktor Udruženja poslodavaca FBiH, Mladen Pandurević, sastao se sa delegacijom Grupacije špeditera/logističara pri UP FBiH, i to; Fadila Poplata, Predsjednica UO grupacije, Hamed Šivšić član UO UPFBiH ispred navedene grupacije, Salko Kruho član UO grupacije i Zdenko Pehar.

Sastanak je održan na zahtjev direktora UP FBiH u želji da se postigne dogovor o unapređivanju rada Grupacije a u cilju zaštite interesa članstva.

Naime, u proteklih nekoliko mjeseci manji broj članica špeditera/logističara istupio je iz ove Grupacije a samim tim i iz članstva UP FBiH, dok se kod jednog broja članica mogla uočiti pasivizacija i izbjegavanje plaćanja članarine.

U otvorenom razgovoru razmotreni su mogući razlozi za takvo stanje i usvojeni zaključci koji će doprinjeti bitnom unaprjeđenju kvaliteta rada

same grupacije a time i zadovoljstvo samih članica.

Na sastanku je dogovoreno da se:

- Unaprijediti informisanje članica grupacije o rezultatima i uspjesima grupacije ali i samog UP FBiH;
- Intenziviraju kontakti, razgovori i sastanci sa članstvom grupacije;
- Sačini upitnik na osnovu kojeg će se utvrditi 5 prioriteta u tekućoj godini.
- Održavaju sastanci sa Direktorom UIO BiH te resornim ministrima koji u svojim resorima pokrivaju djelatnosti grupacije;
- Animira veći broj špeditera/logističara da pristupe Udruženju,
- Razmotre potrebe kadrovske jačanja grupacije,
- Održavaju redovne sjednice najmanje jednom u 2 mjeseca, na koje će se prema potrebi pozivati i članice koje nemaju mjesto u UO Grupacije,
- Po potrebi zakaže vanrednu sjednicu Skupštine grupacije.



Predstavници Grupacije poslodavaca špeditera/logističara

19/12/2012 14:50 MFA B8H

(FAX)+387 33 227 156

P.001/004

БОСНА И ХЕРЦЕГОВИНА
 Министарство иностраних послова



BOSNA I HERCEGOVINA
 Ministarstvo vanjskih poslova

Број: 06/6-33-05-2-44578/12
 Сарајево, 17.12.2012.године

СПОЉНОТРГОВИНСКА КОМОРА БИХ
 Факс: 214 292
 АСОЦИЈАЦИЈА ПОСЛОДАВАЦА БИХ
 Факс: 264 813
 УНИЈА УДРУЖЕЊА ПОСЛОДАВАЦА РЕПУБЛИКЕ СРПСКЕ
 Факс: 051 226 160
 УДРУЖЕЊЕ ПОСЛОДАВАЦА У ФЕДЕРАЦИЈИ БИХ
 Факс: 264 831

ПРЕДМЕТ: Јавни позив за прикупљање понуда за учешће на тендеру, доставља се,-
Веза: наш акт 06/6-33-05-2-27136/12 од 09.08.2012.године

У вези са актом, број и датум везе, Амбасада Црне Горе у Босни и Херцеговини доставила је Министарству иностраних послова БиХ III Јавни позив за прикупљање понуда за учешће на тендеру ради дјелимичне приватизације и/или докапитализације путем изградње фабрике новог Дуванског комбината АД Подгорица

Јавни позив достављамо у прилогу.



Прилог: као у тексту, 3 стр.



VLADA CRNE GORE
SAVJET ZA PRIVATIZACIJU I KAPITALNE PROJEKTE
TENDERSKA KOMISIJA ZA DJELIMIČNU PRIVATIZACIJU I/ILI DOKAPITALIZACIJU
NOVOG DKP AD PODGORICA

Na osnovu čl. 2, 2a, 3, 7 i 7a Zakona o privatizaciji privrede (Sl. list RCG br. 23/96, 6/99, 59/2000 i 42/2004), Uredbe o prodaji akcija i imovine putem javnog tendera (Sl. list RCG br. 8/99, 31/00, 14/03, 59/03), Odluke o dopunama Odluke o planu privatizacije za 2012.godinu (Sl.list CG br.41/12) i Odluke Vlade Crne Gore, Savjeta za privatizaciju i kapitalne projekte, broj: 01-312, od 16.11.2012. godine, Vlada Crne Gore, Savjet za privatizaciju i kapitalne projekte - Tenderska komisija, objavljuje:

JAVNI POZIV

za prikupljanje ponuda za učešće na tenderu radi djelimične privatizacije i/ili dokapitalizacije putem izgradnje fabrike Novog duvanskog kombinata akcionarsko društvo Podgorica

1. Tenderska Komisija, poziva na podnošenje ponuda strane i domaće strateške i finansijske investitore, zainteresovane za djelimičnu privatizaciju i/ili dokapitalizaciju putem izgradnje fabrike Novog duvanskog kombinata akcionarsko društvo Podgorica

2. Podaci o Akcionarskom društvu:

Novi duvanski kombinat akcionarsko društvo Podgorica je osnovano Odlukom Vlade Crne Gore broj: 06-10962/3, na sjednici koja je održana 03. novembra 2011. godine, i postoji u skladu sa zakonima Crne Gore, upisano u Centralnom registru Privrednog suda Podgorica pod brojem 4-0009323, sa ukupnim registrovanim kapitalom u nominalnom iznosu od 7.389.611,00 eura (sedammilionatristaosamdesetdevethiljadašestojedanaesteura), podijeljenim na 7.389.611 (sedammilionatristaosamdesetdevethiljadašestojedanaest) običnih akcija. Nominalna vrijednost svake akcije iznosi 1,00 (jedan) euro.

Akcionari Novog duvanskog kombinata akcionarsko društvo Podgorica su Vlada Crne Gore sa 5.082.543,00 eura, što čini 68,78% akcijskog kapitala i Glavni grad Podgorica sa 2.307.068,00 eura, što čini 31,22% akcijskog kapitala. Osnovna djelatnost Akcionarskog društva je otkup, proizvodnja i promet duvana i duvanskih proizvoda – šifra djelatnosti 1200. Matični broj Akcionarskog društva je 02860864.

3. Učešće na Tenderu omogućeno je svim zainteresovanim domaćim i stranim licima, uključujući i konzorcijume, koji su:

- podnijeli pismeni zahtjev Tenderskoj komisiji za otkup Tenderske dokumentacije lično, poštom, e-mailom ili faksom, sa jasnom naznakom: " Zahtjev za otkup tenderske dokumentacije";
- potpisali Izjavu o čuvanju povjerljivih podataka i

- platili naknadu za dobijanje Tenderske dokumentacije u iznosu od 2.000,00 eura. Uplate za Crnu Goru se vrše u Hipotekarnoj banci AD Podgorica na žiro-račun Savjeta za privatizaciju i kapitalne projekte br.520-2812-78, a za plaćanja iz inostranstva na devizni račun Savjeta za privatizaciju i kapitalne projekte br.ME25520420000013830093 (iban), u Hipotekarnoj banci AD Podgorica (swift cod HBBAMEPG).

Tenderska dokumentacija se preuzima svakog radnog dana počev od 28.11.2012. godine u prostorijama Novog duvanskog kombinata AD od 9 do 15 časova

4. Ponuđač koji otkupi Tendersku dokumentaciju može formirati Konzorcijum sa drugim licima i takav Konzorcijum može podnijeti ponudu pod uslovom da priloži Ugovor između svih članova konzorcijuma, koji svjedoči:

- a) da će svi članova konzorcijuma biti solidarno odgovorni za izvršenje Ugovora u skladu sa uslovima Ugovora,
- b) da će jedan od članova konzorcijuma biti imenovan i ovlašćen da u ime svakog pojedinog i svih partnera zajedno u društvu preuzima obaveze i prima uputstva,
- c) da će realizacija cjelokupnog Ugovora, uključujući i plaćanje, vršiti samo sa ovlašćenim članom konzorcijuma.

5. Ponuda treba da sadrži:

- tačan naziv i adresu ponuđača
- dokaz o registraciji
- period važenja ponude od 120 dana od otvaranja ponude
- pojedinačne cijene i ukupnu vrijednost prema predmjeru koji je dat u tenderskoj dokumentaciji
- izjavu banke da ponuđač posjeduje poslovno-finansijsku sposobnost za realizaciju predmetnog posla
- listu referenci kao dokaz da je ponuđač realizovao najmanje jedan sličan projekat (po vrijednosti i gabaritima)

6. Ponude se dostavljaju u zapečaćenoj koverti, sa nazivom „Poziv na tender izgradnje fabrike Novog duvanskog kombinata akcionarsko društvo Podgorica“, imenom i adresom naručioca, datumom podnošenja ponude i naznakom "NE OTVARAJ PRIJE ZVANIČNE SJEDNICE TENDERSKE KOMISIJE ZA OTVARANJE PONUDA" do 27.12.2012. godine u 12 časova na adresu:

Ministarstvo poljoprivrede i ruralnog razvoja
Za Tendersku komisiju za "Novi duvanski kombinat" akcionarsko društvo Podgorica
Adresa: Rimski trg 46
Podgorica, Crna Gora
Kontakt osoba: Džemil Kalač, sekretar Tenderske komisije
Tel: +382 20 482 298
Fax: +382 20 234 306
E-mail: dzemil.kalac@mpr.gov.me

7. Javni poziv je objavljen na internet stranici Savjeta za privatizaciju i kapitalne projekte (www.savjetzaprivatizaciju.me) i u dnevnim listovima "Pobjeda", "Vijesti" i "Dan".

8. Vrijeme i mjesto javnog otvaranja ponuda

Javno otvaranje na koje su pozvani svi zainteresovani ponuđači će biti održano dana 27.12.2012. godine u 15:00 časova u prostorijama Ministarstva poljoprivrede i ruralnog razvoja Rimski trg 46, Podgorica, Crna Gora

9. Kriterijum za izbor najpovoljnije ponude:

Prilikom izbora najpovoljnije ponude kriterijum je visina učešća ponuđača u troškovima izgradnje fabrike i shodno tome i učešća u upravljanju "Novi duvanski kombinat" akcionarsko društvo Podgorica.

10. Zainteresovani ponuđači imaju pravo uvida u projektnu dokumentaciju u prostorijama Akcionarskog društva u periodu od 10.12.2012.godine do 14.12.2012. godine u terminu od 09-14 časova. Rok za postavljanje pitanja u vezi sa tenderom najkasnije do 21.12.2012.godine na sljedeću adresu:

Ministarstvo poljoprivrede i ruralnog razvoja

Za Tendersku komisiju za "Novi duvanski kombinat" akcionarsko društvo Podgorica

Adresa: Rimski trg 46

Podgorica, Crna Gora

Kontakt osoba: Džemil Kalač, sekretar Tenderske komisije

Tel: +382 20 482 298

Fax: +382 20 234 306

E-mail: dzemil.kalac@mpr.gov.me

Napomena:

Svi ponuđači su dužni da uz ponudu dostave garanciju banke na iznos od 200.000,00 eura ili depozit, sa rokom važnosti 123 dana od dana otvaranja ponuda.

Prvorangirani ponuđač će biti dužan da dostavi garanciju za dobro izvršenje ugovora u iznosu od 5% od ukupne vrijednosti ugovora.

U slučaju da se prvorangirani ponuđač povuče iz nadmetanja, naručilac će aktivirati njegovu garanciju i zadržava pravo da pregovara sa drugorangiranim ponuđačem.

Ukoliko ne bude ponuda za djelimičnu privatizaciju i/ili dokapitalizaciju za izgradnju fabrike, tenderska komisija zadržava pravo da pregovara sa ponuđačima koji nude samo izgradnju fabrike Novog DKP AD Podgorica

Zajednički i sistemski riješiti problem poslovanja JP "Skenderija"

Aktuelna problematika u poslovanju Javnog preduzeća „Skenderija“ bila je povod sastanka ministra privrede Kantona Sarajevo Emira Hrenovice sa direktorom Hajrizom Bećirovićem, načelnicima sektora, predstavnicima Skupštine, Nadzornog odbora i Sindikata ovog preduzeća.

Direktor Bećirović je upoznao ministra Hrenovicu sa problemima koji u Skenderiji traju još od 2007.godine, sa poslovnim dugom ovog preduzeća koji iznosi 1.2 miliona KM, te činjenicom da plate radnicima kasne tri mjeseca. Prema njegovim riječima neophodno je što prije zajednički i sistemski riješiti ovu problematiku, kako bi Skenderija ponovno profunkcionisala kao sportski, kulturni i poslovni centar.

"Ministarstvo će učiniti sve da Skenderija ne zapadne u još težu situaciju, i da u skladu sa finansijskim mogućnostima nastavimo sa kapitalnim ulaganjima. Trebate omogućiti što bolje uvjete za organizaciju privrednih sajмова u Skenderiji, te učiniti sve da u budućnosti poslovne prostora koriste ekspoziture banaka, pošte, apoteka il telekom centara", istakao je ministar Hrenovica, koji je još jednom potcrtao kako je Skenderija bez sumnje naš kulturno-sportski hram..

Prema njegovim riječima, s obzirom da je u Kantonu Sarajevo na snazi Odluka u privremenom finansiranju, realizacija konkretnih projekata vezanih za ovo preduzeće može se očekivati tek nakon usvajanja budžeta KS za 2013.godinu. Vlada Kantona je ranije donijela Zaključak kojim se menadžment Skenderije zadužuje da u skladu sa Zakonom o javnim nabavkama provede realizaciju radova na zaštiti objekta Ledena dvorana Centra Skenderija.



DOMAĆA MERCATOR SALAMA



Mercator BH je plasirao na tržište nove proizvode Trgovačke marke Mercator koji se proizvode u Bosni i Hercegovini. Radi se o proizvodima iz programa prehrane, odnosno o pilećim salamama i hrenovkama koje proizvodi tvornica Perutnine iz Breze. Iako po ukusu i kvaliteti spadaju u rang lider brendova ove kategorije, cijene su im pristupačnije. Proizvodi su dostupni kupcima u trgovinama Mercatora i DP marketa.

Tvornica Perutnine Ptuj u Brezi, zbog savremene tehnologije proizvodnje i primjene standarda kvaliteta po HACCP, HALAL i ISO standardima, u potpunosti zadovoljava visoke zahtjeve Mercatora.

Nova Vispakova isporuka u Saudijsku Arabiju i zemlje Zaljeva

Bosanskohercegovačka prehrambena industrija Vispak ove sedmice realizira novu pošiljku svojih proizvoda na tržište šest zemalja Zaljeva. Nakon oktobarske isporuke i prvog kontejnera Vispakovih pralina, čokolada, juha, čorbi i čajeva, ovo je nastavak uspješne saradnje sa arapskim kupcima.

Plasman Vispakovih proizvoda realizira se u okviru ugovora o izvozu u sve zemlje Zaljeva i to u vrijednosti od 1,5 miliona američkih dolara.

Tržište zemalja Zaljeva u Arabija, Ujedinjeni Arapski Katar i Jemen, ubraja se u tržišta na svijetu. Samo broji preko 28 miliona

"Rijetko se dešava da ovakva tržišta, uslijede saradnje. Ovo je potvrda prepoznali kvalitet cilj je da tamošnjim i ukuse autohtone prave bosanske kafe, smatramo da smo itekako direktor Vispaka, Rusmir



koje spadaju Saudijska Emirati, Bahrein, Kuvajt, jedno od najpotentnijih tržišta Saudijske Arabije ljudi.

nakon prve pošiljke na nove isporuke i nastavak da su arapski potrošači Vispakovih proizvoda. Naš kupcima približimo sve čari bosanske kuhinje, ali i proizvoda za koje kompetentni", kazao je Hrvic.

KONZUM SNIZIO CIJENE 500 PROIZVODA



Konzum je od danas snizio cijene 500 proizvoda u sklopu inicijative pod nazivom "500 diskontnih cijena". Kupci tako od danas mogu potražiti nove snižene cijene najprodavanijih proizvoda u više od 150 Konzumovih

prodajnih mjesta širom Bosne i Hercegovine. Inicijativa "500 diskontnih cijena" Konzumovim kupcima omogućit će najpovoljnije diskontne cijene osnovnih životnih namirnica – ulja, brašna, šećera, mlijeka i mliječnih proizvoda, kafe, slatkiša te drugih prehrambenih artikala, kao i proizvoda za higijenu.

U ponudi 500 proizvoda sa diskontnim cijenama nalaze se kvalitetni proizvodi renomiranih proizvođača. Radi se o proizvodima koje kupci rado kupuju i koji čine sastavni dio potrošačke košarice većine domaćinstava. Nova Konzumova inicijativa sniženja cijena svojevrsna je garancija kupcima da će tokom cijele godine u Konzumu uvijek moći kupiti 500 najvažnijih proizvoda po najpovoljnijim diskontnim cijenama, a lista proizvoda periodično će se izmjenjivati kako bi se uvrstio što veći raspon različitih proizvoda. Kupujući po diskontnim cijenama svaki dan, kupci će moći ostvariti značajne uštede i tako smanjiti ukupne izdatke i troškove domaćinstva, navodi se u saopćenju.

Inicijativa "500 diskontnih cijena" u skladu je sa dugogodišnjom Konzumovom poslovnom strategijom koja je posvećena očuvanju kupovne moći i standarda naših kupaca, a kojom će se zasigurno omogućiti i

Devetomjesečni rezultati potvrda snage i vizije



BOSNALIJEK

Bosnalijek d.d. (Bosnalijek) s velikim zadovoljstvom objavljuje da je u prvih devet mjeseci 2012. godine, ostvario zavidne poslovne rezultate, uprkos izuzetno teškim uslovima u kojima kompanija posluje. Ukupan prihod od prodaje iznosi 75,6 miliona KM, od čega je u izvozu ostvaren prihod od prodaje od 41,5 miliona KM, što predstavlja rast od 13 posto u odnosu na isti period prošle godine.

Visoko ostvareno učešće izvoza u ukupnom prihodu od prodaje od 54,8 posto najbolje ilustruje Bosnalijekove najave, početkom godine, da će naša poslovna strategija usmjerena ka međunarodnom poslovanju doživjeti svoj zamah u 2012. godini.

Na Bosnalijekovom najvećem izvoznom tržištu, Ruskoj Federaciji, prihod od prodaje iznosi 28,3 miliona KM, odnosno rast od 42 posto u poređenju sa istim periodom prošle godine.

Posebnim uspjehom također, smatramo ostvareni prihod od prodaje u iznosu od 34,1 milion KM na tržištu Bosne i Hercegovine, uprkos nelojalnoj konkurenciji kojoj je Bosnalijek izložen u ovom periodu.

Neto dobit za prvih devet mjeseci, ove godine, iznosi 4 miliona KM. U samom trećem kvartalu zabilježen je izuzetan poslovni rezultat, neto dobit u iznosu od 8,6 miliona KM. Ova činjenica upravo potvrđuje snagu i viziju Bosnalijeka da u kratom vremenskom periodu prevaziđe sve prepreke kako u BiH, tako i na našem najvećem izvoznom tržištu, Rusiji.

Imajući u vidu devetomjesečne rezultate, na koje je Bosnalijek veoma ponosan, Uprava ove kompanije očekuje da će dobit na kraju ove poslovne godine biti ostvarena u skladu sa ambiciozno postavljenim planom.

Web stranica HT Eroneta najbolja korporativna web stranica u BiH u 2012. godini

Web stranica HT Eroneta www.hteronet.ba proglašena je najboljom web stranicom u Bosni i Hercegovini u 2012. godini u kategoriji „korporacije“.



Prestižnu nagradu „**WebAward.Me BiH '12**“ u ime HT Eroneta sinoć je u Sarajevu, na svečanosti proglašenja pobjednika i uručivanja nagrada, primio rukovoditelj Odjela za korporativne komunikacije Vanja Gavran. „Iskreno, potajno smo se nadali kako ćemo dobiti ovu nagradu jer smo jako puno energije utrošili u izradu naše moderne i tehnološki odlično urađene web stranice koja je u potpunosti usmjerena ka korisnicima, prateći time suvremene trendove online komunikacije. Nagrada je tim značajnija jer je konkurencija bila velika i što je konačni sud donio stručni žiri koji je ocjenjivao sve elemente web stranica“, kazao je Gavran dodavši da je web stranica HT Eroneta u proteklih šest mjeseci imala oko milijun i pol posjeta.

Već četvrtu godinu zaredom organizator središnjeg izbora najboljih web stranica u BiH je agencija Apriori komunikacije.

U Bihaću otvoren Info servis za poduzetništvo i investitore



(eKapija) Jučerašnjim svečanim otvorem "Info servisa za poduzetništvo i investitore" pri Općini Bihać, Emdžad Galijašević, Općinski načelnik Bihaća, potvrdio je spremnost administracije u Bihaću da u ovoj godini podrži privrednike i poduzetnike.

Ističući da je otvor kancelarije u kojem će poduzetnicima biti dostupna tri državna službenika za sve oblasti, početak konkretne pomoći privrednicima, načelnik Galijašević, kazao je da će Općina Bihać u ovoj godini biti dostupna u svakom trenutku bihaćkim privrednicima koji su žila kucavica grada Bihaća u vremenu teške ekonomske krize.

"Na prijedlog privrednika otvorili smo info servis i na taj način omogućili da privrednici imaju konkretnu kancelariju i osobe koje im mogu u svaki dan dati podatke, potvrde i ostalu dokumentaciju koju su u prošlim vremenima čekali danima. Općina Bihać to više neće dozvoliti i privrednici u našoj općinskoj administraciji imati će konkretnog partnera", kazao je načelnik Galijašević.

U sklopu Info servisa privrednici će, između ostalog, imati mogućnost pružanja svih potrebnih informacija u uslovima i načinu registracije i obavljanja poduzetništva na području općine Bihać. Također, poduzetnicima će na jednom mjestu biti dostupan Prostorni plan Bihaća sa akcentom na poslovne zone, te informacije o uslovima i načinu registracije privrednih društava na području Bihaća.

Kompanije pozvane da apliciraju za sredstva (garancije) kod IGA-e

(indikator.ba)Vlada Federacije BiH pozvala je putem javnog poziva izvozna privredna društva u Federaciji BiH da apliciraju za dodjelu sredstava (garancije) za realizaciju zaključenih poslova u inostranstvu. Vlada Federacije BiH je 18. decembra 2012. godine usvojila Program utroška dijela sredstava u Federalnom ministarstvu energije, rudarstva i industrije - "Pozajmljivanje i učešće u dionicama - ostala domaća pozajmljivanja" putem Izvozno-kreditne agencije Bosne i Hercegovine (IGA), u iznosu od 5.000.000 KM. Sredstva su namijenjena privrednim društvima sa područja Federacije Bosne i Hercegovine koja se bave izvozno orijentisanom industrijskom djelatnošću iz resora Federalnog ministarstva energije, rudarstva i industrije, čiji će se poslovi obavljati izvan granica BiH, a za realizaciju zaključenih ugovora sa kompanijama iz inostranstva. Izvozno-kreditna agencija BiH će u skladu sa utvrđenim procedurama, a nakon pribavljene prethodne saglasnosti od Vlade Federacije Bosne i Hercegovine, izvršiti dodjelu sredstava korisnicima kredita. Kao što je poznato, povod za uspostavu aranžmana putem IGA- jeste omogućavanje sarajevskom Energoinvestu da obezbijedi garancije za ugovorene poslove inostranstvu, koje nije mogao dobiti od komercijalnih banaka, ali sredstva su namijenjena i svim drugim izvozno orijentisanim kompanijama iz domena resornog ministarstva.



Međunarodni sajam obrtništva u martu u Minhenu

(eKapija) Međunarodni obrtnički sajam u Minhenu 2013. je najvažniji sajam obrtništva, malog i srednjeg poduzetništva u Europi, koji će biti održan od 6. do 12. marta 2013. godine.

Radi se o najvećem obrtničkom sajmu u Europi, mjestu prezentacije najnovijih tehnoloških dostignuća obrtništva i prateće industrije. Sajam će posjetiti više od 150 hiljada posjetitelja, a izlagači dolaze iz 43 države svijeta.

Izložba Međunarodnog obrtničkog sajma u Minhenu 2013. godine održava se u paviljonima od B1-B4 sajma IHM, u cjelini izlaganja koja obuhvaća djelatnosti „Obrt i dizajn“, „Stanovanje i uređenje“, „Kuća i energija“, te „Kuća i vrt“, sa naglaskom na uvijek aktualnu temu inovacije kao pokretači razvoja i Obrtništvo i malo poduzetništvo kao generator razvoja. Na spomenutom izložbenom prostoru predstavljaju se branše koje, uz skupne nastupe zemalja putem obrtničkih i gospodarskih komora, obuhvaćaju sljedeće teme: obradu metala, proizvodnju strojeva i opreme, obradu drveta, izradu alata, preradu stakla i proizvodnju proizvoda od stakla, preradu plastike i gume, građevinarstvo, obnovljive izvore energije, elektroniku i energetiku, umjetničke i tradicijske obrte, ručni rad, te svu ostalu ponudu obrtništva, malog i srednjeg poduzetništva čitavoga svijeta.

Paralelno sa sajmom Obrtništvo, od 6. do 10. marta 2013. godine održava se izložba GARTEN MÜNCHEN 2013, u paviljonima C2, C3 i C4. U paviljonu A6 održat će se izložba „Metall München 2013“. koja se odvija svake dvije godine u organizaciji druge sajamske tvrtke, koja će također privući dodatan interes posjetitelja.

Prezentacijom na sajmu obrtnici se susreću s potencijalnim interesom kupaca sa domicilnog tržišta, na kojem se prezentiraju, ali i sa svih tržišta sa kojih dolaze posjetitelji pojedinog sajma, a na najvažnijem obrtničkom sajmu u Europi obrtnici i poduzetnici mogu provjeriti koliko su njihovi proizvodi i usluge konkurentni na tržištu, kako cijenom, tako i kvalitetom, budući da se na sajmu susreću i sa svojom konkurencijom, tvrtkama sličnog proizvodnog programa iz drugih država Europe i svijeta.



Općina Zenica raspisala novi tender za javnu rasvjetu



Općina Zenica ponovo je raspisala međunarodni tender za prikupljanje ponuda za projekat rekonstrukcije javne rasvjete na području općine Zenica, javlja rtvze.ba

Prethodni tender, na koji je pristiglo pet ponuda iz Bosne i Hercegovine, poništen je krajem prošle godine jer niti jedna ponuda pravno formalno nije bila ispravna.

Vrijednost projekta procijenjena je na 2 miliona konvertibilnih maraka.

Predviđena je zamjena 6. 000 rasvjetnih tijela, čime će biti ostvarene velike uštede. Trenutno, iz općinskog budžeta se godišnje izdvaja 1. 150. 000 konvertibilnih maraka za električnu energiju za javnu rasvjetu, te još 300. 000 maraka za održavanje.

Kako se navodi u pozivu, kriterij za dodjelu ugovora je najniža cijena tehnički zadovoljavajuće ponude, a rok za predaju dokumentacije je 11.2.2013. godine.

Kompanije iz BiH prvi dan sajma BAU 2013 obavile uspješne sastanke

Vanjskotrgovinska komora Bosne i Hercegovine u suradnji sa USAID-Sida FIRMA projektom organizirala je prvi zajednički nastup bosanskohercegovačkih kompanija na najvećem međunarodnom sajmu arhitekture, materijala i sistema u svijetu BAU 2013, koji je počeo danas u Minhenu i trajat će do 19. januara 2013. godine. Na zajedničkom štandu svoje usluge i proizvode predstavile su kompanije Hering d.d. Široki Brijeg, Inox Ajanović d.o.o. Tešanj, MP Pandurević d.o.o. Modriča i Ingplast d.o.o. Cazin.

Izlagači iz BiH su već prvi dan Sajma imali 15-tak vrlo uspješnih sastanaka sa poslovnim partnerima, a za očekivati je da će ih u narednim danima biti mnogo više.

Sajam BAU je obavezna odrednica najvećih svjetskih brendova u oblasti građevinarstva i arhitekture. Broj izlagača na sajmu premašuje dvije hiljade a dolaze iz cijeloga svijeta. Koliki je interes pokazuje i činjenica da je Sajam već od 2005. godine trajno rezerviran, a da se na listi čekanja trenutno nalazi čak 400 kompanija. Kompanije iz BiH su se do sada uglavnom samostalno pojavljivale na sajmu BAU, tako da je ovo njihov prvi kolektivni nastup.

Izlagači će na Sajmu predstaviti arhitekturu, materijale i sisteme za poslovnu i stambenu gradnju, kao i enterijer u novim i starim objektima. Glavne teme su održiva gradnja, intergeneracijska gradnja (za sve starosne strukture stanovnika nekog objekta), energetska efikasna gradnja i razvoj gradova u 21. stoljeću. Vodeći stručnjaci će razmatrati pitanja u vezi sa budućnošću svjetskog građevinarstva, inteligentnim povezivanjem objekata, demografskim promjenama.

Sajam okuplja najveći broj arhitekata i projekatana na svijetu, a ono što je zanimljivo je i da se na njemu svake druge godine predstavljaju inovativna rješenja čak prije nego se lansiraju na tržište.

Broj posjetilaca Sajma je od 1964. godine u stalnom porastu, a 2011. godine je dostigao rekordnih 238.000. Najviše su prisutni posjetitelji iz susjednih zemalja, kao što su Austrija, Italija, Švicarska, a iz godine u godinu povećava se i broj posjetitelja iz Turske. Na prošlogodišnjem sajmu BAU bila su 362 posjetitelja iz BiH, a najmanje toliko ih se očekuje i ove godine.



INDEKS POTROŠAČKIH CIJENA

U novembru 2012. godine na mjesečnom nivou zabilježena je deflacija od 0,1%.

Cijene proizvoda i usluga koje se koriste za ličnu potrošnju u Bosni i Hercegovini mjerene indeksom potrošačkih cijena, u novembru 2012. godine u odnosu na oktobar 2012. godine, u prosjeku, su niže za 0,1%.

Niže cijene u odjeljcima prijevoza, zdravstva i odjeće i obuće U odjeljku Prijevoz cijene su niže za 1,4%, u odjeljku Zdravstvo za 0,5%, te Odjeća i obuća za 0,4%.

Pad cijena u odjeljku Prijevoz je najviše prouzrokovan nižim cijenama goriva.

Više cijene u odjeljku stanovanje, voda, električna energija, plin i drugi energenti, hrana i bezalkoholna pića, alkoholna pića i duhan te restorani i hoteli.

Posmatrano po odjeljcima prema namjeni potrošnje (COICOP), u novembru 2012. godine u odnosu na oktobar 2012. godine, u prosjeku je zabilježen rast nivoa cijena u odjeljcima Stanovanje, voda, električna energija, plin i drugi energenti za 0,6%, Hrana i bezalkoholna pića za 0,3%, Alkoholna pića i duhan za 0,1%, te Restorani i hoteli također za 0,1%.

U ostalim odjeljcima prema namjeni potrošnje (COICOP), za isti period nisu zabilježene prosječne mjesečne promjene nivoa cijena.

GODIŠNJA INFLACIJA U NOVEMBRU 2012.

Godišnja inflacija u novembru 2012. godine 1,9% Cijene u novembru 2012. u odnosu na novembar 2011. godine u prosjeku su više za 1,9%.

Prosječni rast cijena je zabilježen u odjeljcima Alkoholna pića i duhan za 10,2%, Prijevoz za 2,9%, Hrana i bezalkoholna pića za 2,4%, Stanovanje, voda, električna energija, plin i drugi energenti za 1,5%, Ostala dobra i usluge za 1,4%, Komunikacije za 1,4%, Obrazovanje za 0,8%, Restorani i hoteli za 0,8%, Rekreacija i kultura za 0,7%, Namještaj, kudanski uređaji i redovno održavanje kude za 0,4%.

Snižanja cijena u prosjeku su zabilježena u odjeljku Odjeće i obuće za 4,8% i Zdravstvo za 0,5%.

INDEKS PROIZVOĐAČKIH CIJENA INDUSTRIJE

U novembru 2012. godine smanjen nivo proizvođačkih cijena industrijskih proizvoda na domaćem tržištu za 0,1%.

U novembru u poređenju sa prethodnim mjesecom 2012. godine zabilježen je pad nivoa proizvođačkih cijena industrijskih proizvoda na domaćem tržištu za ukupnu industriju za 0,1%.

Posmatramo li glavne industrijske grupe (GIG-ove) zabilježen je pad cijena kod Energije za 0,2% i Netrajnih proizvoda za široku upotrebu za 0,1%. Kapitalni proizvodi porasli su za 0,1%. Intermedijarni i Trajni proizvodi za široku upotrebu nisu zabilježili promjene.

Posmatramo li područja i oblasti KD-a u istom periodu je zabilježen pad proizvođačkih cijena u oblasti Vađenja rude i kamena za 0,4%. U novembru 2012. u poređenju sa prethodnim mjesecom značajniji pad proizvođačkih cijena je zabilježen u Proizvodnji proizvoda od metala osim mašina i opreme za 0,8%, Proizvodnji hemikalija i hemijskih proizvoda za 1%, Proizvodnji odjeće, dorada i bojenje krzna za 0,6%.

U istom periodu značajniji rast cijena je zabilježen u grupi Proizvodnja električnih mašina i aparata d.n.k. za 3,7%, te reciklaži za 2,1%.

Proizvođačke cijene industrijskih proizvoda na domaćem tržištu na godišnjem nivou više za 0,8%.

Proizvođačke cijene industrijskih proizvoda u novembru 2012. godine u poređenju sa istim mjesecom 2011. godine više su za 0,8%. Rast je zabilježen u industrijskim grupama intermedijarni proizvodi za 0,9%, Energije za 0,7%, Trajni i Netrajni proizvodi za široku upotrebu za po 0,2% svaka.

U istom periodu zabilježen je rast proizvođačkih cijena u oblastima Vađenja ruda i kamena za 2,3%, Prerađivačkoj industriji za 0,6%, Proizvodnji i snabdijevanju električnom energijom, plinom i toplom vodom za 0,3%.

INDEKS OBIMA INDUSTRIJSKE PROIZVODNJE

Ukupna industrija i područja djelatnosti C, D i EU novembru 2012. bazni indeks ukupne industrijske proizvodnje u Bosni i Hercegovini (indeks prema prosječnoj mjesečnoj proizvodnji iz bazne godine 2005.) je manji od indeksa u oktobru 2012. za 1,1 indeksnih poena. Stopa promjene industrijske proizvodnje u odnosu na novembar 2011. godine je negativna i iznosi -4,6%. Stopa promjene kumulativne proizvodnje prema istom periodu 2011. iznosi -5,3%. U području "Prerađivačka industrija" stopa promjene proizvodnje u odnosu na novembar 2011. godine iznosi -1,9%. Bazni indeks je manji od indeksa u oktobru 2012. za 4,1 indeksnih poena.

U području "Proizvodnja i snabdijevanje električnom energijom, gasom i vodom" stopa promjene proizvodnje u odnosu na novembar 2011. godine iznosi -13,8%. Bazni indeks je manji od indeksa u oktobru 2012. za 0,1 indeksnih poena.

INDEKS POTROŠAČKIH CIJENA

Ukupan indeks potrošačkih cijena u novembru/studenom 2012. godine nije se mijenjao u odnosu na prethodni mjesec.

Posmatrano po odjeljcima COICOP klasifikacije (Classification of Individual Consumption by Purpose), rast cijena registrovan je u odjeljcima: Stanovanje, električna energija, plin i drugi energenti za 0,6%, Hrana i bezalkoholna pića za 0,4%, Namještaj, kućanski uređaji i redovno održavanje kuće za 0,3% i Restorani i hoteli i Ostala dobra i usluge za 0,1%.

U odjeljcima Zdravstvo i Prevoz, cijene su niže za 1,3%, Odjeća i obuća za 0,5% i Rekreacija i kultura za 0,1%.

U ostalim odjeljcima cijene se nisu mijenjale u ovom mjesecu.

Ukupan indeks potrošačkih cijena u novembru/studenom 2012. godine viši je za 1,9% u odnosu na isti mjesec prethodne godine i za 1,8% u odnosu na decembar 2011. godine.

Za jedanaest mjeseci ove u odnosu na isti period prethodne godine ukupan indeks potrošačkih cijena je viši za 2,1%, a u posljednjih dvanaest u odnosu na prethodnih dvanaest mjeseci viši je za 2,2%.

Ukupan indeks potrošačkih cijena u novembru/studenom 2012. godine je viši za 2,4% u odnosu na prosjek 2011. godine, a u odnosu na prosjek 2010. godine viši je za 6,0%.

INDEKS INDUSTRIJSKE PROIZVODNJE

Industrijska proizvodnja u Federaciji Bosne i Hercegovine u mjesecu novembru/studenom 2012. godine u odnosu na prosječnu mjesečnu proizvodnju iz 2011. godine manja je za 3,2%, u odnosu na proizvodnju iz istog mjeseca prošle godine manja je za 2,8%, dok je u odnosu na oktobar/listopad ove godine manja za 1,1%.

Ukupna industrijska proizvodnja u periodu januar/siječanj-novembar/studeni 2012. godine u odnosu na isti period 2011. godine manja je za 4,7%, u području Vađenja ruda i kamena manja je za 3,9%, u području Prerađivačke industrije manja je za 2,0%, i u području Proizvodnje i snabdijevanja/opskrbe električnom energijom, gasom i vodom manja je za 12,9%.

Prema glavnim industrijskim grupacijama industrijskih proizvoda u periodu januar/siječanj-novembar/studeni 2012. godine u odnosu na isti period 2011. godine, proizvodnja bilježi povećanje trajnih proizvoda za široku potrošnju za 22,6% i netrajnih proizvoda za široku potrošnju za 0,5%, dok je zabilježeno smanjenje energije za 12,4%, intermedijarnih proizvoda, osim energije za 2,7% i kapitalnih proizvoda za 3,6%

INDEKS PROIZVOĐAČKIH CIJENA INDUSTRIJE

Ukupan indeks cijena proizvođača industrijskih proizvoda u novembru/studenom 2012. godine nije se mijenjao u odnosu na prethodni mjesec.

Posmatrano prema glavnim industrijskim grupacijama indeks cijena energije viši je za 0,1%.

U ostalim grupacijama indeksi cijena se nisu mijenjali u ovom mjesecu.

Posmatrano prema područjima KD-a, indeksi cijena se nisu mijenjali u ovom mjesecu.

Posmatrano po oblastima, rast indeksa cijena je registrovan kod Reciklaže za 4,7%, Proizvodnje električnih mašina/strojeva i aparata d.n. za 4,3%, Proizvodnje koksa, derivata nafte i nuklearnog goriva za 3,8% i Proizvodnje baznih metala za 0,4%.

Pad indeksa cijena registrovan je kod Proizvodnje hemikalija/kemikalija i hemijskih/kemijskih proizvoda, Proizvodnje metalnih proizvoda, osim mašina/strojeva i opreme za 1,2%, Proizvodnje celuloze, papira i proizvoda od papira za 0,2% i Izdavačke djelatnosti, štampanja/tiskanja i umnožavanja (reprodukcije) snimljenih zapisa za 0,1%.

U ostalim oblastima indeksi cijena se nisu mijenjali u ovom mjesecu.

Ukupan indeks cijena proizvođača industrijskih proizvoda u novembru/studenom 2012. godine viši je za 0,6% u odnosu na isti mjesec prethodne godine, a u odnosu na decembar/prosinac 2011. godine viši je za 0,9%.

Za jedanaest mjeseci ove u odnosu na isti period prethodne godine, te u posljednjih dvanaest u odnosu na prethodnih dvanaest mjeseci ukupan indeks cijena proizvođača industrijskih proizvoda je viši za 2,0%.

Ukupan indeks cijena proizvođača industrijskih proizvoda u novembru/studenom 2012. godine viši je za 1,9% u odnosu na prosječan indeks iz 2011. godine, a u odnosu na decembar/prosinac 2006. godine (bazni mjesec) viši je za 10,7%.



Mula Mustafe Bašeskije 12/3, 71 000 Sarajevo

Tel; +387 33 264 830

Fax; +387 33 264 831

E-mail; info@upfbih.ba

Web; www.upfbih.ba